

皇明經世文編

皇明經世文編卷之二百七十四

陳子龍臥子 宋徵璧上木

華亭

選輯

徐孚遠闇公 徐鳳彩聖期

宋存標子建叅閱

楊襄毅公職方題稿

疏

楊 博

條陳預防虜患疏

虜患

題爲預防虜患事職方清吏司案呈照得大同宣府固原延綏寧夏甘肅等處切隣邊境虜達番夷時常

皇明經世編

楊襄毅疏

虜患

一

平露堂

窺伺出沒爲患、而宣大等處、與夫延寧一帶、尤爲切近、所當深慮、卽今春氣融和、黃河解凍、虜寇出套、則侵犯偏關大同宣府一帶、入套、則犯延綏寧夏迤西一帶。若不預先嚴加隄備、分布防守、切恐各該將領怠忽、致悞事機、案呈到部、臣等查得往年常規、每當黃河開凍、俱題奉欽依、移文宣大偏關并陝西四鎮各該將領嚴加隄備、遵行雖久、要皆徒事靡文、無裨實政、况醜虜侵軼、多在秋高特月、惟春夏之間、警備似亦差緩、正當先事整飭、凡地方一應事務、本部節

因各官建議、如脩理險隘、召募兵馬、閱視工程等項、隨卽議擬、行令查處、尚未奏報、所有地方切要事宜、相應通行題請、伏乞勅下各該巡撫、都御史、作速欽遵、回奏、查考、嚴督大小將領、整餉兵馬、鋒利器械、謹烽堠、多差乖覺人役、遠爲哨探、遇警相機戰守、庶舊規不廢、新政聿興、實爲長便、

計開

一宜府地方、密邇京師、而東路永興城南、接天壽山陵、尤爲緊要、先該奏脩各路墩臺壕塹、題奉欽依、准

給太僕寺馬價銀三萬兩，已經本部督發前去，未審曾否興工，卽今有無次第，合行及時委官幹理造冊繳報，其先任總督尚書毛伯溫脩完各路邊牆，轉行巡按御史江濬閩視，亦未見回奏，合行接管御史譚學上緊勘明，將有功人員，奏請定奪。

一大同五堡，近已修備完備，無容別議，但東長峪係大同三關兩鎮接境之地，先該奏要建城設兵，本部已經題奉欽依行，令會同大同撫按議奏去後，合行速勘報以爲地方一勞永逸之計，及查天城衛壯夫

武文等奏要比照大同五堡事例。除已成平定平遠二堡之外。再將舊棄長勝一堡募民填實。每堡安夫三百名。各立總小甲分領撥官操守。不動官糧等因。已經查勘。如果於地方有益。巡撫都御史史道從長酌議。徑自具奏定奪。

一三關增設更置事宜。近該臣等題奉欽依。無容再議外。其寧武關陽方口溫嶺起至老營堡丫角墩止一帶。原無邊牆。虜易奔突。該都御史陳講具奏脩築深爲有益。該本部覆奉欽依。動支賞軍支刺并脩邊

商稅銀兩脩築去後合催行都御史陳講用心籌筭
刻期舉行以圖保障

一延綏邊堡三十四處襟帶千有餘里獨當河套一
面之險而娘娘灘青山隘口俱係套虜往來必渡之
路先該神木縣致仕壩官白子俊欲于娘娘灘青山
隘口起蓋房屋安置鎗砲修築邊牆但未審有無窒
碍合行總督尚書楊守禮會同都御史尹嗣忠查照
原行事理勘明具奏若事體重大難以輕舉明白回
奏查考

一寧夏花馬池一帶極爲虜衝屢經臣等議奏處置無庸別議其賀蘭山諸口年久多至廢墜近該都御史楊守禮將赤木等口已修完備惟打磴口三關并棗兒溝等處原議候赤木工完之日及時修築合行寧夏撫鎮等官早爲完報仍行總督尙書楊守禮就近督催以終初志以固地方其鐵柱泉雖已築堡但虜寇深入先據此泉該前總督尙書劉天和奏稱操守官卑議欲改設守備撥軍一千名該本部題奉欽依行令查處并訪舉堪任守備官二員上請定奪去

後至今未報。合行總督尚書楊守禮稽查具奏。務使水頭不爲虜所占據。實惟扼吭先制之計。

一甘肅海寇。近該撫鎮官奏稱投獻金牌馬匹納款。除已經題奉欽依外。其瓦剌達虜。求住牧近邊。且以西番偷伊馬匹爲詞。該本部題行總督會同鎮巡查處去後。未審曾否撫逐出境。卽今更當作何制禦。又嘉峪關係限隔華夷之地。先年簡陋空濶。不成規制。近該行邊使翟鑾奏奉欽依。動支賞剩銀兩。專委參政李涵脩理。李涵近以才力不及。考察候調。見今缺

官管理、未免廢事、合行甘肅都御史陳卿就近行委
賢能官員、不妨原務、兼理督催、務要堅固、以圖經久
事完造冊奏繳、嘉靖二十年正月二十四日尚書張
瓚等題

覆團營尚書劉天和條陳營務疏

團營

看得提督團營軍務太子太保本部尚書劉天和條
陳足原伍、革冒濫嚴、選替簡精銳、重教練、定人役、專
責成、定賞格、八事俱係京營切要事務、相應開立前
件議擬上請伏乞 聖裁

計開

一足原伍前件、臣等議得兵不貴多而貴于精、政當以實不當以文、團營事故軍、雖當查照原額補足、但京軍戶丁、多以畏避差使、不肯入冊、而各處遊手之人、利於食糧、往往反冒名投克、及至調發、不得實用、是以補軍之說、有識之士盡皆難之、今尚書劉天和欲要查照舊例、凡軍士遊故、但有強壯戶丁、堪以補役者、不分有無姓名在冊、堂從傍枝、俱准出首、且欲備開年貌隣佑住址、以便稽查、綜理周密、事在可行、

合無依其所擬候選軍完日本部專差司屬官一員
會同點視京營科道官查照本官所議作速舉行

一革冒濫前件臣等議得在京之人利于得糧在外
之軍憚於供費根究弊源誠如尚書劉天和所論合
無依其所擬備行點視京營科道并本部委官將前
項轉雇代當并捏作戶丁虛文解當軍役出給榜文
通限兩月以裡盡行赴官出首查果精壯卽與收補
見缺祖伍原無祖軍者卽與改作召募軍役一面將
爲事充軍調發等項軍職遺下舍餘一體收充軍役

如過限不首、被人告發、除問罪外、仍改發邊衛永遠克軍。

一嚴選替前件、臣等議得摘牌替役之法、已該本部題奉欽依事體、人情委為穩便、但恐原無壯丁、乘機頂替、以致冒濫、合無備行點視京營科道官并本部委官查照尚書劉天和所議、務要嚴加禁約、選舉之後、但有一名抵換者、即將把總管隊官旗并各識字人役、應拏問者、拿問、應參奏者、參奏。

一簡精銳前件、臣等議得兩廳官軍、專一聽候征調

聞報啓行，比之團營軍士緩急不同，查得連年調遣皆是臨期方行整搦，兵貴神速，豈容如此遲緩。今尚書劉天和欲要推選總兵二員，叅將十員，每員各領一枝，議處曲盡，事在可行，合無依其所擬，將兩廳官軍通行簡選，每營選補務足三千，兩廳務足三萬六千員名，分爲十枝，其總兵二員，叅將六員，見在難以別議外，合無東官廳再添設叅將三員，西官廳再添設叅將一員，俱推舉謀勇素著，曾經戰陣官員前去任事，候有警急，兩廳揆定撥數，即便啓行，庶不倉皇。

候事、

一重教練前件臣等議得兵法一人教十十人教百百人教千自古練兵其法率不外此至于查取各處精兵赴營教練尤爲得策合無准其所擬備行提督團營大臣將選定教師遇操之日每月終准給銀六錢其無事月分不必一槩給賞以滋勞費本部一面通行各邊并北直隸山東河南陝西山西兩廣雲貴四川各該都御史查照本官所議將壯勇并弩手各起送三十名赴京聽用其給驛定限等項事宜悉如

原議施行。

一定人役。前件。臣等議得提督內官軍伴例該五十名。掌管內官總兵官三十名。坐營官十名。把總官五名。自兵科給事中蔚春奏定之後。經今年久。似難再議。但每營所管官軍盈萬。拘喚發放。事委浩繁。必須酌量情法。令其足勾使用。方可禁革宿弊。合無准其所擬。除照例撥給軍伴外。將提督內外官再准給軍伴三十名。掌管內官總兵官十五名。坐營官十名。把總官三名。此外如敢仍前包占賣放。聽科道官指實。

奏。

一專責成。前件臣等議得兵旣充足，自當責成將領訓練。至于嚴加點閱及時振舉，又全在提督京營大臣，合無准其所擬，今後開操之後，務要查照前議，著實舉行。其各該將領把總，果有勵志幹理，卓有成效者，咨行本部。遇有相應員缺，酌量推用。怠惰慢事者，恭奏革退。

此項條旨照舊舉行

一定賞格。前件臣等議得鼓舞人心，全在給賞。向非定立賞格，錢糧又難稽考。今尚書劉天和欲要量發

草場租銀給賞事在可行。令無依其所擬。劄行太僕寺。每年于草場銀內動支三千兩。管中選委廉幹官員收貯。專聽犒賞官軍支用。如有不敷。再行具奏定奪。

覆山西撫按官陳講等增置三關兵將疏

三關兵將

看得巡撫山西都御史陳講題稱。會同巡按御史連鑛開陳經略三關地方。增兵設將。事宜一節。爲照山西三關。先年以有東勝大同爲之屏蔽。虜患絕少。自東勝失守以來。虜以漸肆窺伺。然猶懼有大同。未敢

深入。今大同多故，兵馬凋殘，故三關之警，大異往昔。查得正德十二年，則直至陽曲灣，今歲則直至交城。圪塔頭地方，若更長驅而入，雖平陽潞安，俱爲蹂踐之地。臣等私憂過計，竊欲添設將領，增置兵馬，不過救敵補偏之意，荷蒙 聖明俯賜採納，勅下守臣作急詳議。今都御史陳講、御史連鑛，逐一覆勘明白，具奏前來。臣等議得：神池堡與老營堡，委係虜所必爭之地，而八角堡界于其間，尤爲適中。鴈門守備當十八隘口之險，而北樓口委爲空濶。所據各官要于神

池老營堡各添設叅將。北樓口添置把總。八角堡改置遊擊。畫地分守。勢成鼎足。據險扼塞。城爲長便。又夏將神池守備。改置利民堡。三岔八角俱爲裁革。水泉營等處設置把總管領屯種。夏皆劑量斟酌。無不曲當。但副總兵旣與巡撫都御史協同行事。威權已重。欲加都督職銜似難輕議。所據前項興革事宜。係干地方至計。相應通行議處。合候命下。將中路神池堡并西路老營堡各添設叅將一員。本部推舉素有謀勇之人。請旨各簡用一員。查照原議地方分守。仍

聽鎮巡官節制，合用勅書，并符驗旗牌，照例請給。其見任老營堡遊擊周宇，改置八角堡，名曰八角遊擊。原領勅書，另行換給。神池守備劉維禔，移置利民堡。改曰利民守備，照舊以都指揮體統行事。三岔八角守備，俱行裁革。見任守備李承祖、陳鏜，各回原衛。遇缺改用，仍于北樓口添設把總一員。巡撫都御史查照延綏坐堡事例，徑自委用。合用募軍銀一萬五千兩，馬二千匹，每馬一匹，該銀一十八兩，共銀三萬六千兩。本部劄付太僕寺，于見貯馬價內照數動支。委

官解送前去應用，不足之數聽于五臺河水植抽分，并代州商稅銀兩內支用，其分撥軍馬并水泉營等處設管屯種事宜，合悉依原議施行。巡撫都御史每年秋近，仍駐劄寧武，一切軍務悉聽其便宜處置。副總兵止照舊與巡撫都御史協同行事，八角以上地方仍轄鴈門關兵備副使，五寨以下仍轄岢嵐兵備僉事，其芻糧出納軍馬頂補仍隸鴈門兵備整理，庶聲勢聯絡，緩急有濟。及照東長峪地方係大同三關兩鎮接境之地，極爲緊要，頻年虜衆大舉，多由此處。

侵入其建城設兵于兩鎮既稱有益亦當及早一併整理合無行移大同都御史史道巡按御史譚學會同陳講連續親詣彼中從長計議作速具奏定奪再照兵食相須前項添將增兵事宜臣等雖悉心規畫槩有次第其應用錢糧不預爲區處則有兵無食而兵不能一朝居也是豈地方長久之計哉伏望 皇上念三關殘破之極勅下戶部早爲議擬上請則邊方幸甚

覆整飭軍務糧餉都御史翟鵬議處民兵疏

看得都御史翟鵬題稱欲將直隸山西河南各府州縣民壯責委二司守巡兵備等官親歷所屬逐一查選。逃故者僉補，老弱者退換，務足原額之數。仍于額外別選壯丁，名爲義勇。巨州大縣戶廣人繁，務足千名之上，其次八九百名，又次六七百名，最小州縣減至五百名止。若數外有餘，不厭其多，勿拘人戶貧富。止取丁力精壯，貧者無力有丁，亦可選充正役。富者無丁有力，則令置買什物，及操時月量貼工食。選充數足，通前舊役攢成隊伍，總作民兵。遇冬農隙，管領

操練春來無事。散歸務農。其前舊役民壯內。除山西原係題准修守三關之數。照舊遵行。亦要分定班次。輪流差撥。該管官員。有濫差占役者。照依私役軍人事例。叅問降黜一節。爲照 祖宗民壯之設。最得古人寓兵於農之意。本部尙書馬文昇在弘治年間。連章累疏。專欲府州縣操練民兵。實安不忘危之至計。况今虜寇縱橫。日異月殊。昨者深入太原。緣郡縣之空疎。以故有司束手無策。生靈延頸就斃。及今閑暇。正當悉心講求。用圖經久。所據都御史翟鵬具題前

因查與本部會官議奏相同。但愚民難于慮始。爲政貴在得人。若使撫臣不銳意綜理于上。有司率徒事靡文于下。則良法美意。反致間閭騷擾。臣等欲候命下。備行北直隸山西河南山東各該都御史。查照先今事理。將前項民兵事宜。務要酌量州縣多寡。及早議處。不必拘定名數。府州縣官員。以後敢有私自役占。并差遣迎送者。照依私役軍人事例。從重坐罪。其操演等項。悉如本官所議施行。臣等再照前日虜近井陘之時。議者率欲盡括平民爲兵。斯固拯溺救焚。

萬不獲已之舉。但市井之民。一旦驅之使戰。不惟怯懦委靡。全無銳氣。不知軍器出自何處。馬匹出自何所。糧餉出自何項。懲前謹後。民壯之選。誠當預爲整備。又恐議者必以無事生擾爲詞。不知狂虜一來。殺擄甚慘。若州縣各有民兵固守。則氣勢倍增。地方有賴。倘得保全民命。較之稍爲多費。相去倍蓰。是以臣等不避煩瀆。議擬如此。伏望 聖明俯降天語。嚴勅撫臣。着實舉行。地方幸甚。奉

旨。恐妨民不行。先議克實。三關人馬。

覆保定巡撫劉隅等經略紫荆關隘疏

關隘

看得巡撫保定都御史劉隅巡關御史桂榮會題經略紫荆等關事宜各一節。爲照紫荆居庸倒馬。雖俱係近京緊要關隘。居庸倒馬山巖險側。猶難突入。惟紫荆寬衍平漫。方軌可成列而進。極爲難守。本部尙

書于謙在景泰年間嘗奏差都督顧興祖大理寺卿

紫荆之守在晉不在燕及險而扼是以難也

孔文興共率重兵以守。當時興祖等築濬設險。類爲可據。今承平又且百年。夷漫無復存矣。况去歲達虜

一犯廣昌。今歲兩犯山西。比之往歲聲勢倍異。思患

預防。不容時刻延緩。所據巡撫都御史劉隅御史桂榮欲要紫荆添設叅將一員。誠亦勢不容已之計。但叅將在各邊謂之分守。例有官軍三千員名。若止添一官。無兵可領。似非事體。必須將紫荆守備裁革。遺下地方兵馬。就付叅將統領。不敷之數。另行查議。又茂山衛班軍係干成憲亦難輕易變更。相應通行酌處。合候命下。于紫荆關添設叅將一員。本部選推謀勇官員前去任事。專管本關并沿河馬水盤石奇峰烏龍潭等口。其倒馬關浮圖峪守備官照依今擬地

方管理。俱隸新設叅將總領。其叅將合用勅書符驗
旗牌行移各該衙門照例請給。仍查照密雲事體。與
易州兵備副使協同計議行事。一應軍中事宜。聽保
定巡撫都御史總兵官節制。本部一面行移都御史
劉隅等。將新添設叅將人馬。除紫荆關守備見管之
數。就付管理外。不足之數。并浮圖峪缺少軍士。務要
計處停當作速施行。及照紫荆關地方。如此議處。似
亦周詳。但白羊口東接居庸。西連紫荆。尤爲要害。已
已之變。虜常由此深入。正德十一年虜又嘗由此至

老君堂。卽今邊情緊急，亦當一併查議。合無備行順天都御史徐嵩巡按御史段承恩巡關御史桂榮將白羊口鎮邊長峪二城務要親詣相度，或應處添兵馬，或應改設將領，從長會議，停當具奏定奪。

覆陝西總督劉天和議築墩臺疏

築墩臺

看得總督尚書劉天和題稱三邊及內地臨鞏等處固皆築堡以居，但邊塞蕭條，平時驅以修築，力少工大，徒啓怨咨。遇警責以收斂，貪戀家計，不能舍去。至於併入大堡，力復寡弱，豈能與彼疆虜爲敵。間有墾

田孳牧。又多隨便野處。豈能一一築堡。臣以爲築堡

不如築墩。大率每二十家築一墩。其制與墩臺同。若

楊襄毅生平用此法。無河西特甚。

數十家之堡。或築四墩二墩。原無城堡之鄉。亦通築

獲其利。蓋職方時已。是說於劉司馬疏矣。

墩臺。或數家一墩。或家築一墩於上。更有火器及近

年所造陶器。每墩發十餘枚。凡微小水頭。每一泉卽

築一墩。近年涼州永昌行此築墩之法。虜每入犯。凡

有墩者皆不可近。此則明驗。乞要通行陝西三邊總

督撫按各官斟酌。委官責成。脩舉一節。爲照緣邊地

方。歲苦飢虜侵暴。雖爲我兵所挫。頻致克捷。而我之

黎氓爲其殺虜者不可勝計。故自古防邊之策。以守爲上。而戰次之。其守之之法。脩邊爲上。脩堡脩墩。又次之。然堡之工大。地方廣遠。不能遍置。墩之費省。隨處經畫。皆可施行。今總督尙書劉天和舉以爲言。誠爲老成之見。臣等反覆叅詳。爲利有四。平時驅以築堡。力少工大。怨咨隨興。若脩墩則隨處可爲。人人可辦。其利一也。常時遇警。則小堡併入大堡。中途遇虜。輒爲所掠。或收歛不及。則人畜爲之一空。若墩旣設。則村莊堡寨。人人皆知所趨避。民命必能保全。其利

二也。頻年虜一入邊，乘勝長驅，如履無人之境。若墩既設立，則烽火遍于四境，自足以懾虜之心，奪虜之氣。其利三也。虜以逐水草為主，若有水去處，盡築墩臺，如鐵柱泉之法，則虜計窮蹙，自當引去。其利四也。臣等待罪本兵，防邊之策，日夜圖惟，冀求試效。所舉築墩一事，與民不費而爲益甚大，委爲可行。

皇明經世文編卷之

皇明經世文編卷之二百七十五

陳子龍臥子 徐孚遠闇公

華亭

選輯

宋徵璧上木 周立勳勒卣

李待問存我參閱

楊襄毅公奏疏

疏

楊博

陳時弊度虜情以保萬世治安疏 防虜

准兵部咨該兵科都給事中王國禎題該本部覆議
將總督鎮巡等官不必拘以文法使得隨宜展布各

官每歲預將防秋事宜通限三月以裏條列具奏又准本部咨爲追往失責來效以預定安攘至計事亦該兵科都給事中王國禎等題內外形勢該本部覆議合行總督鎮巡等官圖上方畧等因各題奉 欽依備咨前來已經移咨三鎮巡撫官會同總兵官督同副叅遊守等官將本鎮一應防秋事宜及早計議要見虜至何以爲守何以爲戰軍馬是否精強錢糧是否克盈邊隘是否修飭器械是否鋒利本鎮兵馬如不足用應調何處兵馬逐一列款開報去後今該

前因臣惟禦虜之要。惟守與戰。計戰不如議守。籌邊之略。惟名與實。循名不若責實。勦鎮自二十九年虜患以來。修邊積餉。選將增兵。靡思不到。較而論之。以十分爲率。其名十九。其實止十一耳。在武弁則動稱血戰。及其見虜。退縮於前。觀望於後。以保全部曲爲得計。若使上明天時。下知地利。中得人和。阻其所必繇。攻其所必救。自無坐致剝削之理。在文職則動言收係。及虜旣入。無壁可堅。無野可清。以掩蔽搶虜爲長策。若使先務守牆。次務守墩。次務守堡。以逸待勞。

以飽待飢。自當聿收保障之功。至於防守之兵馬。多係紙上之詭名。度支之錢糧。半入將官之私橐。罪之不勝言之可憫。卽今狂虜之姦計叵測。邊防之圖維貴早。况二月艸枯之時。已嘗窺伺河坊。夏末秋臨。理當大舉一應防秋事宜。雖該三鎮鎮巡官開報前來。在薊州者惟恐調及本鎮之兵。臣以大義所在。首當拱衛京師。範護陵寢。而拱護之要。東西諸隘。俱當一體爲備。若果力拒於外。使賊不能突入。比之角戰畿輔之間。縱有成功。所損不貲者。萬分不侔。用是叅

之輿情附之淺見。條列上陳。但事體重大。委非臣愚所敢擅議。如蒙 勅下兵部。再加叅酌。早爲覆請。行臣遵守。至於時陳下原調遼兵一枝。臣下原調遼兵二枝。除冷口分去一枝。見在止有一枝。伏望 皇上俯念古非爲重。將時陳所調遼兵。亦聽臣徑自徵調。庶幾強弱相兼。戰守允便。門庭旣安。堂室自固。臣無任惓惓懇祈之至。

計開

一守要害。臣惟十指之更彈。不如合拳之一擊。故備

東則西寡。備西則東寡。無所不備。則無所不寡。比年以來。率以兵馬預分邊境。晝夜食宿。俱在牆上。不惟人力疲勞。誠爲守株待兔。今歲防秋。必須擇其總括之地。各屯重兵。使有常山蛇勢。首動尾應之義。方爲得策。合將冷口作一處。自山海關起至太平寨止。以副總兵李賢主之。住劄建昌。領本營兵一枝。石門寨遊兵一枝。太平寨燕河營叅兵二枝。再加三屯營遺下正兵并遼兵一枝。山東民兵一枝。古北口作一處。自馬蘭谷起至石塘嶺止。以總兵官周益昌主之。住

劄密雲，領本營兵一枝，臣標下兵一枝，振武營奇兵一枝，馬蘭谷古北口牆子嶺石塘嶺叅兵四枝，石匣營曹家寨大水谷遊兵三枝，再加遼兵二枝，河間遊兵一枝，係鎮民兵一枝，昌平作一處，自渤海所起至鎮邊城止，以副總兵張琮主之，住劄昌平，領本營兵一枝，黃花鎮鎮邊城叅兵二枝，居庸關鞏華城守兵二枝，白羊口遊兵一枝，再加時陳下陝西邊兵四枝，河南民兵一枝，定州遊兵一枝，紫荆劄馬關爲一處，自沿河口起至故關止，以總兵官歐陽安主之，住劄

易州領本營兵一枝、馬水紫荊倒馬龍故叅兵四枝、并保定定州河間調剩達兵、及各處土兵民壯快手、再加保定正奇兵二枝、本鎮民兵一枝、巡撫下武勇兵一枝、各聽周益昌歐陽安張琮李賢無事隨宜操練、有警分布戰守、臣與時陳吳嘉會艾希淳往來督視、副使趙文燿李慕張敦仁畢竟容朱徵茅坤協同、各共圖保障、萬一賊虜止犯一處、臨期斟量急緩、發兵策應、不許自分彼此、其曹家寨大水谷遊兵二枝、宜守不宜戰、宜步不宜馬、原兌民馬二千、徒爲勞費、

合無革去一千。每營各止用五百匹。

一覘虜情。臣惟知彼知己。兵家之要。遼東與京師相去隔遠。且秋深泥淖。虜馬難馳。保定耳目。寄於宣大。俱無庸別議。惟薊州一山之外。卽爲虜夷。東則朶顏部落。西則李家莊巢穴。是雖陽順陰逆。其在今日。譬之紙張竹籬。留之無益。去之可惜。况每歲北虜大舉。或東或西。此輩大略先知。若撫之有道。處之有法。必能預得其情。合無容臣嚴行薊州鎮巡官。將三衛并李家莊夷人。從宜撫賞。選差素有膽氣。慣知道路。夜



探則三衛不敢以浮說欺內矣
不收人役分番其營規探醜虜向往各夷果知效順
哨報的實防秋畢日從重賞勞况辛愛近日將阿羅
豆兒色鎮兒妻女淫騙離心離德結之以恩自是以
夷攻夷之法。

一選兵馬臣惟兵無選鋒曰非薊兵削弱不惟全失
操練至於簡閱之法向來通未舉行臣近日略加簡
選大約合鎮可得壯健萬五千人顧惟教練之初不
可全恃爲用至於薊保二鎮叅守之兵一枝僅數百
人或千餘人馬不過三五百匹或六七百匹有名無

實多屬文具，其調到客兵，雖稱精健，中間亦有不可用者。且來路既遠，疲弱爲多。合無聽臣等不分遠陝保定及山東河南之兵，逐一簡選，分爲上中下三等。上等者用爲衝鋒破敵，中等者隨營截殺，下等者守城守牆，及分布軍民堡寨。遇有零寇分掠，兼土兵相機剿殺。兵不貴於多而貴於精。

一明戰地。臣惟先處戰地而待敵者逸，後處戰地而待敵者勞。東自冷口起西至倒馬關止。一山限隔，其中多有可以據險阨塞之處。不惟客兵初至不解東

西。南。北。雖。本。鎮。之。人。亦。俱。茫。然。不。知。卽。以。古。北。口。言。

卽。按。元。遼。晉。故。道。也。

之。虜。若。自。黃。榆。溝。而。來。必。繇。潮。河。州。自。甄。梁。子。而。來。必。繇。黃。家。寨。自。黑。谷。關。而。來。必。繇。三。箇。嶺。臣。嘗。往。來。周。視。此。三。處。者。兩。山。夾。峙。真。我。兵。之。戰。地。也。過。此。則。爲。石。匣。爲。密。雲。平。原。曠。野。萬。馬。可。馳。欲。戰。不。能。欲。守。不。得。矣。臣。已。各。設。置。木。柵。橫。以。方。板。於。中。多。留。箭。眼。可。以。用。使。火。器。柵。外。開。明。壕。二。道。暗。壕。二。道。又。用。竹。竿。布。於。地。上。多。設。地。雷。火。砲。如。或。可。用。火。攻。或。水。攻。臨。期。徑。自。酌。處。所。謂。多。方。誤。之。所。據。冷。口。鎮。邊。馬。水。

白石吳王次溝諸口俱當做此舉行。合無容臣等不

人但知有險之可守

分主客嚴督各該叅遊等官先期令其於分定地方

而不知有險之可戰此深明地勢之論也

上下山坂躬親踏勘務得可戰之地畫圖貼說回報
臣等訂其可否。卽如去歲浮圖谷之戰。陳鳳偶據山
坡而大勝。朱玉不知據山而稍挫。是其明驗。若使平
日講求習熟。決無倉皇失措之理。

一張疑兵。臣惟冷口一帶雖已屯兵。誠恐虜情重大。
總兵官周益昌相去隔遠。倉卒勢不能及。查得每當
秋月。遼東寧前一帶頗有警報。事在彼中。亦當防範。

合無行令總兵官趙國忠帶領本營兵馬七月以後專在寧前住劄以爲薊鎮聲援一面多差人役於冷口探聽但有入犯消息不必等候明文即便星馳入關會同副總兵李賢相機勦殺仍於撫賞屬夷之時先以此意傳播其營使其知我處處有備似應伐謀致勝之端

一急收保臣惟禦虜之要固守爲上臣去歲經畧之時已嘗題准修築簡便墩城但時值荒歉小民救死不贖何暇及此臣近至薊鎮見近山人家亦有因山

爲寨者。據高設險。大畧如城垣之制。不甚費工。亦可收效。合無備行各該兵備。并沿邊有司官員。預將民村勘定。要見何處平行。可以築墩。何處近山。可以設寨。稍候麥熟之時。次第舉行。萬一時日迫近。難以遽完。且將見在城堡。作何歸併。人畜作何收斂。務計處周詳。共保萬全。若能悉心幹理。卓有成績。薦揚擢用。坐視民患。致有疎失者。查叅重治。

一調兵食。臣惟足食足兵。雖交相爲用。而足食尤爲先務。是故兵馬錢糧。當作一家計算。往年不分虜情。

緩急。故將兵馬聚於全無積貯之地。卽如古北口。兵嘗不下萬人。馬不下一二萬匹。彼處糧旣寡少。度支艱於輸運。地又窄狹。兵馬苦其鬱蒸。豪橫客兵。又往往肆其殘暴。以致居人怨詈。無所控訴。可謂一舉三失之矣。合無今歲將各處客兵。客兵聚則生患。且如遼保之兵。則分於也。兵不可無次第。所以謀定勞逸也。薊州一帶。由平谷漸入密雲。陝西河南之兵。則分於通州三河一帶。由順義懷柔漸入昌平。哨有虜警。一日一夜。可以馳至。各該主將。如欲簡閱。或暫行調集。或就彼巡視。無所不可。

一使罪過，臣惟選兵不如選將。使過優於使功，各處廢弁將官，節經兵部題奉。明旨，不分充軍爲民間。

住降級等，俱許隨軍立功，除非臣所屬者不議外，合

無容臣將薊遼保定三鎮廢將，不拘總兵叅遊守備

能領於現將惟在駕御川之耳

通行查出，取赴軍門，令其各帶家丁，自備戰馬，官給

廩糧料艸，儘其見在之數，合爲一營，仍以素有威望

者一人主之，隨臣往來截殺，果有奇功，具奏陞賞，其

無功者，照舊發還原衛，畧其文史之虛名，責以韜鈴

之實效，將材邊計，兩爲有益。

改河道濟糧運疏

密雲運河

議照密雲古稱檀州。號爲重地。北六十里爲石匣營。又北四十里爲古北口。實殘元避暑故道。自唐戍虜變之後。分區列戍。軍馬之增置爲多。災沴傷殘。間里之蕭條特甚。軍門移鎮。建牙開府。體制與固原漸同。漕糧改撥。舟輓陸輸。氣勢與通州稍類。屬夷之患。旣已日異月殊。經制之方。似難舉一廢百。所據該道叅政李薰謂自牛欄山而下。白河潮河二水交會。水勢深廣。舟行無阻。自牛欄山而上。白河潮河水源旣分。

支流自弱。查得密雲城西原有白河故道。欲要於楊家莊地方築塞新口。疏通舊道。使白河仍於密雲城

涼河運

西。經流直與潮河交會。則水勢自大牛欄山至密雲。

道可抵榆關所湖白漕也

亦可舟運。又謂城垣坍塌。由於隄岸未備。不係於河道改與不改。并將工程丈尺錢糧人工先後通議。明白節呈前來論說詳明。籌畫周悉。殊非一人之私謀。實爲一方之大計。臣等再三集議。其利有四。其害有一。白潮二河合而爲一。牛欄山以上。無論春夏舟楫通行。漕糧可以水運。歲省脚價不止萬金一也。懷柔

順義三河之民。苦於車騎之累。日漸逃移。河工一成。

三縣免於驛騷。二也。密雲石塘嶺古北口石匣營一

帶。絕漠窮荒。生理鮮少。河運若通。江南諸貨。可以漸

這水者必疏。宜遠河者必貧。燕大際可推也。

至。地方殷富。跂足可待。三也。牛欄山近議建立號房。

原爲舍舟從陸。以備積貯糧儲。不煩盤剝。號房可以

不設。所省財力。又爲不貲。四也。至於所謂害者。不過

恐爲密雲城西之患耳。若使修築泊岸。下用石砌。上

壘腰牆。并將坍塌城上。整飭完備。一勞永逸。自無遺

慮。卽如通州至京五六十里。原係陸運。我皇上斷

自聖衷修成通惠一河。實爲萬世無疆之利。惟茲
密雲河道。因其故蹟。加以新功。比之通惠。其利雖同。
其費且省。况人力取諸軍夫。材木取諸山林。銀米取
之修邊之餘。及無碍贖罰。規畫布置。似已曲盡。臣等
與有地方之責。但可少濟時艱。不敢畏難遠怨。以負
任使。如蒙勅下工部會同戶部再加議擬。如果無碍。
查發後開款內事理。速聽臣等早爲舉行。一應綜理。
責之副總兵龔業叅政李綦主事劉魯生。其餘分管
官員聽臣等徑自選委。工完之日。閱視明白。造冊奏

繳效勞人員分別旌賞以示激勸仍乞開載通州管河郎中勅內以後遇有塞淤與通州運河一體修濬庶幾國儲軍餉邊計民情無不攸便。

右衛路通乘時以圖後效疏

修堡增戍

臣准兵部咨該巡按直隸監察御史樂尚約題奉

旨大同一有納叛婦機松塞之事右衛被圍甚

聖旨東旣調兵入餉已着博悉心周計大逐虜賊勿

久巡按路指使督備順皆相黨也掩敗為功後

致再欺墩臺堡之要害處作速修築必柰久亦不許

援兵大至虜始解圍去是時相黨幾有奔竄大之

推延期以八月前完報餘及牆工次第堅造應可行

謀幸乘穀力建方略二鎮以全

的急奏繼理便行文去兵部知道欽此欽遵備咨到

臣仰惟 皇上以 聖神文武之資、操禮樂征伐之柄、頃者右衛之變、虜逐餉入、機宜悉出于淵衷、及今圍解之餘、救弊補偏、經制動關乎宸斷、雲中人庶、均切感戴之私、塞外逆酋、不勝震讟之狀、臣以庸劣、誤叨重寄、任事以來、恐負 君父特達之知、奔走經營、食寢俱廢、况今天語丁寧、至再至三、敢不少竭駑駘、仰答鴻造、除議處右衛事宜、先該臣等條畫具奏、已蒙 聖明俯賜允行外、但夷情叵測、常乘其怠忽、內治當嚴、不嫌於詳慎、臣會同巡撫大同右僉都御史

楊選閱地形之險夷、萃羣言之辯析、重加三思、釐爲四事、前疏所列者、正在急圖、今疏所陳者、以次繼理、務使右衛以至威平、聲勢聯絡、鎮城以達右衛、氣脈貫通。如蒙勅下該部再加詳議、及時舉行、少紓臣等犬馬之忠、永爲邊人保障之利。

一、議增墩臺、臣等議得墩堡之疏密、當視邊陲之衝緩、右衛至左衛一帶、逼近虜巢、前議每四里設墩一座、猶恐其疎、合無每空再加二座、大約每里許該墩一座、左衛至高山站、視右衛爲稍衝、每五里見有墩

臺一座。每空再加一座。大約二里半該墩一座。高山站至鎮城。視右衛爲少緩。原無墩臺。每五里該墩一座。候牛心山等堡并墩臺完日。仍行總兵官張承勛分守叅議史闕疑。繼理其事。錢糧於修邊銀內動支。其中路州溝堡占官人屯。梁家店齊家河北花園馬道口六處。西路小邨兒北梁一處。應添墩堡并沿邊牆塹。照依臣等原議另行具奏。

一經畧左衛臣等議得左衛至高山站六十里。合無

墩臺九十二座

又清大溝二道

各長十八里

道各長十八里

道各長十八里

道各長十八里

道各長十八里

是年築穀所築大小土堡九座

於適中繆官人屯築大堡一座。二十里鋪舊高山城

各修築小堡一座、高山站至鎮城六十里、於適中岡家灣築大堡一座、自廟兒屯右自佛寺各修築堡一座、公廨營房等項、以次修建、應用錢糧、俱於修邊銀內動支、

一增設官兵、臣等議得左衛至高山站以達鎮城、既添設墩堡、官軍馬匹相應計處、合無於繆官人屯岡家灣、各設操守一員、仍各提調東西二小堡、各募軍五百名、各量給馬一百匹、以備往來傳報之用、每小堡各設把總官一員、通計募軍一千名、每軍衣裝銀

五兩、共該銀五千兩、盔甲器械一千件、副如前、馬二百匹、兵工二部、照數處給、月糧布花、候募軍完日、會入大同管糧郎中錢糧數內。

一查處荒田、臣等議得左衛以達鎮城、官路東西、盡皆膏腴之田、近因虜患頻仍、無人耕種、今既議添墩堡、合無令各該官軍儘力開墾、所有屯糧、姑免追納、候年歲豐稔、另行議處、閒暇之日、將原設墩臺低薄不堪者、逐漸修理、其地方一應人等、果有隨堡住種者、聽從其便。

議處要害地方疏 防守獨石

臣獲見邸報該巡按直隸監察御史樂尚約題稱獨石要害視右衛遠近緩急尤爲不同欲要行臣將應處之事悉照右衛經略奏請上裁等因臣叅詳所論憂切邊陲深得先則制人之義節據降人口報動以圍困獨石爲詞若候部咨到日方行議處未免緩不及事臣不自揣量早夜圖惟擇其最切要者條爲十款大抵大同之事禍已燃眉不得不爲拯救之圖宣府之事患在厝薪仍須急爲蓄艾之計臣於宣大防

秋疏內言之已詳、無容別議、如蒙勅下該部再加議擬、將臣所奏俯賜允行、仍乞嚴勅宣府鎮巡官李賢、張鎬、廣集衆思、各上方略、不止防秋、先爲防夏之圖、不止外防獨石、首爲拱護京陵之計、臣雖庸鈍、亦不敢不共效狗馬之忠、臣無任屏營懇切之至、

計開

一、空運糧餉、臣議得防禦獨石、首當多積糧餉、糧餉既克虜氣先奪、圍困之謀不攻自破、先該巡撫都御史張鎬、屢疏請發帑銀、未見處分是非、該部漫不加

意寔以帑銀缺乏之故。後該臣博議發京倉粳米三十萬石於懷來等倉，却以宣府年例銀兩一半仍發本鎮，一半改發大同。連日再三籌度，庫無見銀，倉有見粟，救弊補偏，計恐無便於此，合無聽戶部將空運一事早爲舉行，邊人不食粳米，止食粟米。若發粟米三十石萬，尤爲得濟。此外再將宣鎮年例銀兩先發十數萬兩，以爲腳價折支之費。空運至日，聽鎮巡官設法轉運，其入衛兵馬往來懷隆供億之費，亦於此中取辦。

一更易將領、臣議得寇在門庭、非路則患切剝膚、東路則患在剝牀、二路將領均爲喫緊、若使匪人廁乎其間、緩急之際、誤事不淺、除獨石叅將劉漢先已具疏保留外、訪得分守東路懷來永寧等處叅將劉環年已衰遲、志復灰冷、桑梓之地、終難展布、四海冶守備韓鑑、心本儒生、口談武略、衝險之所、豈其所長、合無將劉環革任聽候、別卷勘明奏請、韓鑑改用腹裏仍於近日九卿科道會薦諸臣內如尹秉衡者、推舉一人以代劉環、其韓鑑員缺查得原任大同右衛守

備張咸洞悉虜情、慣經戰陣、不救隣兵、去之原非其罪、年方精壯、用之當及其時、以補四海冷守備、似堪任使、

一分布城守、臣惟大同右衛被虜圍困月久、中間調

被兵尚表也

度處置、全藉廢將之力、蓋各官妻孥生計、俱在危城利害切身、自當不賞而勸、所據獨石城守一事、正與右衛相同、今無聽叅將劉漢、將在城官員、不拘見任廢棄、擇其威望、衆所信服如尚表、立爲守城之主、其餘畫地分守、預爲告戒、一有警報、叅將劉漢提兵出

戰於外。主城將官環兵固守於內。聲相勢倚。互爲犄角。方保萬全。

一預處援兵。臣議得北路獨石果有虜警。除本鎮兵馬刻期應援外。所據入衛各枝兵馬。俱在關內關外住劄。若候奏請至日。方行調用。未免坐失事機。合無聽臣等與鎮巡官李賢張鎬酌量賊勢。一面移文兵部。與薊遼總督知會。一面將前項兵馬隨宜調遣。各該遊擊務要與主兵同心戮力。共建奇勳。如敢因循玩愒。自分彼此。應拏問者。容臣拏問。應叅究者。叅究

重治

一撫輯屬夷。臣議得屬夷之於我也。乍臣乍叛。我之於屬夷也。將信將疑。卽如近日督撫建議。欲發銀五六萬兩於寧遠堡邊牆裏外。築堡二座。安插屬夷老觀近者。昌平屬夷之輩。不可不恤。小。意非不美。揆以夷夏大防。似猶未妥。兵部近奉

欽依行臣勘處。以臣愚見。謹始慮終。實不敢輕議。但撫賞銀兩。羈縻之策。委不可缺。合無聽巡撫都御史張鎬於戶部議。准主兵銀四千兩內。扣數支出。委官買辦段布牛酒。將同力拒敵諸夷。照依原奏通行賞

勞虜去家小牛羊帳房者。查出另賞以結其心。以後虜入境內。果能先事哨探。爲我之耳目。臨敵奮勇。爲我之羽翼。雖優加賞賚。亦不爲過。

一經理懷隆。臣議得經略之議。雖在北路獨石。而東

丙子虜竟從東路以入

路南山一帶。

陵寢在上。事體尤重。四肢腹心。不言

可辨。居庸關以西。自石崖峪口起。至合河口止。延長七十里。隘口一十四處。以東自張家起。至渤海止。計長四十里。隘口一十三處。中間山勢平漫。可通大舉者九。林木稀疏。可通零騎者七。巖崖陡峻。可通單騎

者十一。遑年於大山口等處酌量多寡分派官軍共六千名。大約俱在該鎮步軍於礦兵取用。除礦兵時非防秋難以輕調外。合無聽鎮巡官李賢張鎬賊果突入。一面統兵應援北路。一面留兵防守東路。雖堪戰勁兵亦當存留二枝以防大虜壅隔之患。其新築臺軍。如果不敷。權於河南班軍內湊撥應用。

一激勵壯勇。臣諒得北路地方人慣見虜。驍健絕倫。以故論什伍之軍其數甚少。論比黨之軍其徒實繁。陝西三邊官軍鎮以賜勅坊帳者大都雄健先年雖有斬獲首級與官軍同論之文。勘報每遲以

歲時雖有奪獲生畜給賞之文將領多見其尅取十。第。於。其人。每。取。賞。不。所。叙。也。憤之氣何由發作。忠義之志因而消阻。深可痛恨。合無聽總兵官李賢公同叅將劉漢將各城各堡壯丁逐一查出。應守城者守城。願出戰者出戰。記名在官。不必拘以文法。不必束以紀律。斬有首級。總兵官先給印信小票。奪有生畜。卽時盡數給賞。守搵等官。如敢刁難扣取。先以軍法重治。然後叅奏拏問。其尋常無警之時。不許追呼以致騷擾。

一量給馬匹。臣議得各鎮奏討馬匹。動經數千。不行

愛惜餽養。相繼倒失。無益實用。臣嘗痛惡其非。卽如近日巡撫張鎬移咨到。臣欲計四戶大馬三千餘匹。給付家丁騎征。臣以標兵方在議革。不敢具奏。但宣鎮總副叅遊之馬。見在各不及一半。往來追逐。似爲未便。合無聽兵部量發官馬二千匹。分給各營。稍壯軍威。不敷之數。容臣督令各官動支樁銀。以次買補。一添修墩臺。臣惟北路地方等。一當修飭城堡。其次則腹裏并接火墩臺。一方耳目。關係甚重。除原設不堪者。節行分巡口北道叅議許用中。見今督修外。仍

於獨石城馬營溝通馬營大路胡家莊孔家莊議添
空心墩臺二座每座共高三丈三尺上加女牆四尺
周圍越城一道外挑圍壕一道馬營堡議添上哨通
君子堡司家溝口李樹溝口羊奶子溝口二隊溝口
下哨通松樹堡馮家科小嶺兒本營迤南羊房堡段
家衝西川九窠窄衝口東非獨石溝通獨石城大路
霍家莊共十座雲州堡議添夜不收嶺一座高低廣
狹悉如獨石之制通共添墩一十三座不惟足以制
虜居人行旅均屬便利見今總兵李賢在彼設伏合

嚴行本官督併叅將劉漢及守搽等官刻期完報。

居庸以東南山一帶地是宜府地

一協同薊鎮臣惟大虜屯住獨石邊外正係東西岐

界。迤。陰。即。屬。薊。鎮。而。為。兩。省。臣。所。轄。故。易。于。推。挾。

路西則可犯宣府逼近陵寢東則可犯薊鎮驚擾

也。

畿甸必須兩鎮鎮巡官交相傳報事方克濟蓋宣府
密。邇。虜。巢。常。得。其。形。薊。鎮。咫。尺。屬。夷。先。得。其。情。合。無

今後薊鎮一知虜欲西犯之訊差人速報宣府宣府
一見虜欲東犯之跡差人速報薊鎮彼此相資共伐
虜謀共消虜患。

虜中降人傳報夷情疏

防虜

臣惟蠢茲醜虜自大同右衛圍解以來猶有一二零
騎在邊窺伺乃今閱月之間移營北徙絕無烽燧之
警但歸正之人摩肩接踵幾滿千人之上或言欲由
永寧入犯京師或言欲犯山西或言仍圍右衛等處
或言東搶遼東或言就近採取田禾言人人殊以臣
愚見宣大事體與薊鎮迥不相同薊鎮恃有邊牆拒
之不入卽爲上策宜大地方大邊二邊旣以陵夷沿
邊牆塹又復傾圮虜騎處處可入爲今之計虜之未
入也則當遠哨探剿零寇以明我之目奪彼之心虜

之既入也。則據要害。奮夜擊。搗巢穴。激鄉兵。廣招降。截歸路。守堡寨。多方略。以示隨機應變之義。會同巡撫都御史魏謙吉。張鎬。楊選。總兵李賢。張承勛。王懷邦。不揣迂疎。逐條詳議。但兵家之事。貴於未戰。臣等待罪邊陲。不勝臨事之懼。伏望 皇上勅下兵部。蚤爲覆議。俯賜裁允。容臣等驅馳戎行。少伸犬馬之報。一嚴哨探。臣等議得。節據降人所報。俱係捕風捉影之說。不可盡據。必須哨探明的。兵馬進止。方有着落。先已屢次差人遠探。直至海上。方見營帳。趕回達馬。

四百餘匹盡數給賞。原去通事家丁，人心感奮，爭欲

山木葉落山後也

深入一哨，但虜若東犯遼薊，誠恐遠由出山後，耳目不及，反致悞事。合無仍行薊鎮一體哨探，遇有屬夷報到消息，或得其形，或得其情，彼此互相傳報，庶克有濟。

一勦零寇，臣等議得往時秋禾將熟，近邊零賊，或二三百騎，或三五十騎，往往入邊操田，致使小民終歲勤動，竟絕收穫之望。虜之所以敢於如此者，不過數技。一則恃其馬強，來如飄風，走如脫兔。人不及追，二

則恃其善於弓矢。三則知我墩軍報知。必先放砲舉號。方始聚兵。賊乃預爲隄備。四則多設伏兵。見我追逐。故意誘入境外。以反敗我。合無今次遇有零驍。聽宣大山西三鎮總兵官。不必照舊舉號放砲。止整點兵馬。分爲二股。一股潛往賊回之路設伏。一股如常追襲。前後夾攻。必有奇中者。

一據要害。臣等諫得宣大山西三鎮各有要害之處。先守其要。則提綱挈領。兵氣自倍。如宣府則當守懷隆。永寧南山一帶。山北可守則守。不可守則併入昌

平邊牆。協力固守。使賊匹馬不能入關。大同則當守
渾源靈丘廣昌銀釵驛馬等嶺。協同保定鎮巡固守。
紫荆倒馬馬水口等處。使不能越關而南。驚動畿輔。
山西則當守陽方神池老營堡偏關等處。使賊不能
越關而西。侵鞏州縣。其五臺繁峙平刑設在關外。尤
當一體戒嚴。此外止是宣府大同之川。既有兵馬以
撓戰於外。又有墩堡以雄峙於內。以逸待勞。以主待
客。狂悖之謀。自難大逞。

一奮夜擊。臣等議得夜擊賊營。兵家奇事。但近來劫

營有同兒戲。或先放砲。或先舉火。使賊知而爲備。反來攻我。雖曰撓賊。寔自撓耳。合無今次遇賊入境。聽宣大山西三鎮總兵官各募敢死之士。相度天時人事。如果可爲。當夜下令。令其掛枚暗號。直撞賊營。勢如風雨。惟在破敵。不貴首功。當內舉火。放砲之時。外面亦舉火放砲。勢若馳擊。是爲裡應外合。暮夜倉卒之間。賊未有不駭愕驚遯者。但兵事尚密。此事尤當縝密。全在臨期斟量。以圖萬全。

一搗巢穴。臣等議得攻其必救。兵法所尚。卽如宣府

地方近邊則有張家口外種田之賊大同地方近邊則有脫脫一種丘阜一黨若使乘機勦殺批吭搗虛必有明效合無今次遇賊入境聽宣大二鎮總兵官各將搗巢之兵計處停賞守家之卒多老弱而糧重足食一面發兵在內截殺一面發兵在外搗巢但須哨探明的仍將各營走回人口查有乖爽者各留三五人厚加館穀令其指引道路庶幾不墮賊計。

一激鄉兵臣等議得義勇一事不惟大同西衛可行隨在可行但往時得功遠在數百里之外報驗反致

勞擾以故鄉兵不肯向前截殺。合無今次遇賊入境聽宣大山西三鎮巡撫官各刻簡明小票。用印鈐記。但遇鄉夫得功者。所在官司驗明給票一張。以爲執照。賊退之日。不必議陞。徑自照例每顆賞銀三十兩。激勵之下。人人勇氣自倍。

此時板井之聚。築城近邊故也。

一廣招降。臣等議得虜營之兵多半俱係漢人。豈無父母妻子之念。止緣畏彼聲勢。不得自便。觀之近日一插招降之牌。有一家十四五口同歸者。有焚父屍而帶歸者。有子婦負垂老之姑而歸者。但恐處之無

要以致人絕歸望。虜氣益增。合無今次賊果入境。聽宣大山西三鎮巡撫官先於各堡大書招降紅旗。令一人冠帶立於堡上。多方招諭。有能滾馬投降者。卽時開門收納。若使百人千人一時俱肯歸正。賊勢自孤。不得不退。

一截歸路。臣等議得歸師勿遏。雖兵家所忌。但虜之歸也。與中原之寇不同。喝趕牛羊者。俱係老弱之賊。強壯之賊。左右護持。其心惟恐有失。全不戀戰。而我兵若先處戰地。誠爲得策。合無今次遇賊入境。聽宣

大山西三鎮總兵官各設伏兵於賊歸之路。或據山險。或依林木。須拏截殺其尾送相機絕勦。賊回之日。各另回奏。要見某處截賊。曾有某功。不得仍襲舊套。其來如迎。其去如送。

一守堡寨。臣等議得軍民堡寨被賊攻毀者。十之七八。無壁可完。先已題奉欽依。嚴行宣大守巡官親詣督修。每堡四角。各修四墩。無力者或二墩一墩。近據各道報稱。以十分爲率。築完八分以上。臣歷所至。逐一親閱。如果堅完高厚。比之往歲不同。賊若入搶。斷

不能肆然得利。但自古用兵有守中之戰。有戰中之守。若不添兵防禦。未免坐困。合無聽宣大山西三鎮鎮巡官查賊果於某處入犯。卽將步軍分發墩堡。與鄉夫相兼在內。遇有零賊來攻。相機擒斬。大約追逐不可過半里一里之外。蓋分捨之賊。勢不能多。我墩堡之兵多。而彼賊甚少。似可成功。

一多方略。臣等議得兵法所謂多方以誤之者。蓋言方略雖多。未必皆中。但中一方卽爲對病。已經徧行三鎮副叅守操等官。各照所管地方。畫一水墨小圖。

或可以依憑山險。或可以占據水頭。或可以建立營盤。或可以設置毒物。或可以安頓砲火。或可以挑挖賺窖。種種備之。見今俱已報到。正在整頓。臣等每一念及。誓不與賊共戴天日。真有匈奴未滅。何以家爲之意。

覆督察軍務侍郎趙文華條陳海防疏

防倭

看得督察軍務工部右侍郎趙文華題稱修復海防。釐爲五事。臣等反覆參詳。均係平倭長策。蓋不欲鏖戰於海上。直欲邀擊於海中。比之制禦北虜。守大邊

而不守次邊者。事體相同。誠得先則制人之義。但事
務繁多。惟恐不便。聖覽謹將原議列爲五款。開立前
件。議擬上請。伏望 聖上俯賜採覽。勅下遵行。地方
幸甚。

一 國家防海之制。臣等議得國初更番出洋之制。極
爲盡善。至于列船港次。猶之稟門戶而守堂室。浸失
海難言大。然賊所往。未之路。因島嶼。各
有定所。苟益。海。通。例。難。便。要。耶。

初意。救弊補偏。急當講畫無疑。所據侍郎趙文華欲
分乍浦之船以守海上。揚山。蘇松之船以守馬蹟。定
海之船以守大衢。三山品峙。哨守相聯。旣無淺閭之



虞又有避風之處。委爲有據。又欲副總兵屯外泊陳錢諸島。尤足以扼賊三路之衝。合無悉如所擬。備行督察。總督巡撫總兵副總兵兵備等官會同集議。務要允中機宜。以復祖宗出洋之制。其中果有未盡事宜。聽其徑自酌處。

一總兵駐劄海上。臣等議得南之禦倭。必資於船。猶北之禦虜。必資于牆塹車騎。勢不可缺。不妨多備。所據侍郎趙文華今議之船。見造則有福清等船。調取則有廣東新會橫江船。東莞大烏尾船。又有寧紹台

溫捕魚海船。及下八山捕魚等船。又有蘓松捕魚沙船。緣廣船恐緩不及事。魚船恐妨廢生理。必須處置得宜。方無遺慮。合無悉如所議。備行督察總督巡撫總兵副總兵等官。一面催調廣船。一面嚴行海道查處漁船。此外不知再該造船若干。錢糧應於何處出辦。備細會奏。以憑議處施行。

一直隸與浙名雖異地。臣等議得浙直俱連大海一水之地。委當總作一家。計處必須共守。陳錢諸島分守馬蹟等三道。事方周匝。所據侍郎趙文華欲要總

兵官正副二員分任金山臨山要會之地先守陳錢
叅將分畫三道馬蹟等山各督信地審時度勢委不
容已合無將副總兵俞大猷仍任金山再添總兵官
一員任劄臨山東可以控蘇松南可以控浙福本部
會推相應官二員請旨簡用克總兵官總理浙直海
防軍務住守臨山地方定擬責任請勅一道令其欽
遵行事合用符驗旗牌關防照例請給副總兵以下
俱聽節制未盡事宜仍聽督察督撫等官查明具奏
一海上既備臣等議得國初沿海一帶軍伍克足今

議修復舊伍。誠爲要務。但鄉兵選足一萬。歲支半糧。不知應於何項出辦。合無備行督察總督巡撫巡按等官定委兩司該道官作速查議。要見鄉兵一萬。月給半糧。每年總該若干。應於何處處給。南方地無遺利。閑田甚少。若議清查。未免反滋侵擾之弊。似當停寢事宜。悉如所議施行。

一出入波濤。臣等議得賞當其功。則人心知勸。故功既有等。賞自有差。合無今後官軍於海裏獲功。每倭首一顆。爲首者准陞二級。爲從者照舊給賞。若無首

級止獲賊船亦以大小論級總兵等官能使賊船不能登岸卽以保障論功斬獲首級數多臨期奏請超格陞賞候倭患寧日此例停止其多處行糧一節事在彼中悉聽督察總督巡撫等官徑自施行